

廣通志一百五十二

名臣列傳

卷十二

晉滿世職大臣一



八旗通志初集卷之一百五十二

各臣列傳十二

正白旗滿洲世職大臣一

達爾漢轄

薩木什喀

羅什

雅賴

準塔巴圖魯

弟胡什布

達吉

丹布

丹布子拉

康果禮額駙

子麥色齊

喀克篤禮

兄昂武昂
子馬克圖

賴塔

朱瑪喇

弟伊瑪喇



達爾漢轄。本名扈爾漢。滿洲正白旗人。姓佟佳氏。其父扈喇虎。於

太祖高皇帝戊子年。由雅爾古地方。率十子及所屬人民來歸。以其人編立牛录使之統焉。扈爾漢係扈喇虎長子。

太祖優遇之。養以為子。賜姓覺羅。授一等大臣。瓦爾喀部蜚悠城長。名策穆特黑者。苦烏喇貝勒布占泰之虐。請移家內附。

太祖命扈爾漢。隨舒爾哈齊貝勒往遷之。扈爾漢以兵

三百護五百戶先行。烏喇聞之，遣萬人邀諸路。扈爾漢即結寨山巔，分百人衛之。身率二百人拒敵，使人馳告後隊。眾具勒，是夕以二百人與烏喇萬人相拒，敵不能犯。次日敵眾來戰，遂同揚古利額駙迎擊，却之。泊洪巴圖魯具勒代善具勒兵至，乃大破其眾。丁未年，從卓禮克圖貝勒等征東海兀集部，取赫席黑。俄漢惠蘇魯佛納赫拖克索三路，俘獲二千人。己酉年冬，率兵一千，征東海兀集部所屬濞野路，悉降所部，收二千戶以歸。

太祖嘉之，賜以甲冑乘馬。又賜達爾漢轄號。辛亥年冬，

往征兀集部虎爾哈路，同何和理額駙等圍扎庫達城，三日不下，遂攻之，斬首千餘，俘二千人。其環近各路盡招撫之，令土勒伸、額勒伸二人衛其民五百戶而歸。天命元年秋七月，同順科洛巴圖魯統兵二千，征東海薩哈連部，至兀爾簡河，剡舟二百，水陸並進，取河南北三十六寨。復擬渡江進取，移師駐黑龍江岸。先是江水常

以九月始冰。時八月初旬。忽冰結如橋。衆皆驚喜。以爲天助。遂聯騎徑渡。渡畢水解。因取江北十一寨。師還。冰結如前。又招降使犬路及諾洛路。石拉竹路部長四十人。四年。明兵四路來侵。達爾漢轄從。

太祖擊明撫順。開原二路兵。大敗之。復先率千人禦董鄂路兵。摧其前鋒。伏兵山隘以阨其衝。

太宗皇帝是時號四貝勒。與諸貝勒繼至。併力奮戰。大破明劉綎兵。盡殲之。又與代善貝勒破明遊擊

喬一琦兵。擒一琦。達爾漢轄荷

太祖撫育之恩。奮不顧身。每遇戰陣。輒爲前鋒。茂建勲

績。英年加秩至一等大臣。居五大臣之列。輔翼

鴻業。歷加世職至三等總兵官。八年卒。時年四十有

八。

太祖親臨其喪。哭之。以三等總兵官世職。令其第三子渾塔襲之。緣事罷退。

世祖章皇帝追念其勲。復賜精奇尼哈番世職。令其五子分襲。康熙三十七年。

聖祖仁皇帝謁

祖陵至盛京。特遣大臣往奠墓次。子八人長阿爾賽。次

布爾賽。第五子胡什布。第七子達賴。第八子丹

布。並以父軍功。各分襲一拜他喇布勒哈當。第

四子準塔巴圖魯。最知名。自有傳。渾塔子色勒。

曾任散秩大臣。

薩木什喀。達爾漢轄第三弟也。早從征伐。所至

有功。歷授遊擊世職。征董夔時。薩木什喀僅率

十二人。追敵至山下。殺其拜思噶爾轄扎穆吳

巴什等百餘人。獲火礮五十三。俘獲人口馬牛

羊千計。天聰四年。征明。攻灤州。薩木什喀攜箭

七百枝。以四百枝與那木泰。圖爾格。散給衆兵

射之。因而勝敵。七年。從德格類。岳託。二貝勒。往

征明。旅順口。由陸地運船於水。衆皆乘馬。薩木

什喀乃聚衆議曰。我兵既欲潛進。何乘馬爲。于

是衆皆步行。時鑲紅旗鑲藍旗鑲黃旗。俱無船

隻。不能前進。薩木什喀獨率衆運船。比臨水次。

管兵部事岳託。貝勒謂之曰。薩木什喀。汝可努

力。答曰：貝勒但以此城必得爲念。我豈肯乘船而返哉？遂同霸奇蘭乘船先八旗而進。敵人拒戰，身被一創，戰益厲。遂擊敗馬步敵兵。我師大隊繼進，遂破旅順口。先是薩木什喀以事削遊擊世職，至是爲步兵翼帥。不遠貝勒指示，整兵破敵有功，遂復授世職爲一等叅將。八月，師旋。

太宗文皇帝率諸貝勒大臣迎旅順口凱旋，德格類岳託、兩貝勒于十里外立纛拜天行禮畢。

太宗命英俄爾岱傳諭問凱旋之貝勒及大臣安否。薩木什喀進前對曰：蒙

天庇佑，遵

聖訓，指授方畧，已攻克旅順口城。于是設大宴。

太宗親以金卮酌酒，賜兩貝勒。次賜步兵帥霸奇蘭及薩木什喀。八年，任甲喇章京。十二月，奉

命同管白奇超哈梅勒章京、副霸奇蘭率章京四十一員、兵二千五百名，往征黑龍江地方。臨行

太宗諭令撫慰俘獲之人，言此地人民語音與我國同。

攜之而來。可以為我國用。攻畧時當語之曰。我本是一國之人。爾以不知載籍之故。竟至于此。爾。

諭畢賜食。又

諭曰。畧地之後。或報捷。或遣兵送俘。必令由科爾沁國。舅吳克善所屬之席北綽爾門地方。其應畧之地。有夏姓武因屯長。喀拜庫魯木圖屯長。郭爾敦及納屯等。各遣從役輸誠。今令其人從軍為鄉導。爾等畧定他屯。不可犯此歸附三屯。宜仍留於本處。若他屯未定。此三屯當盡行攜來。

諭畢。命薩哈廉貝勒等大臣。送至二里外。九年四月。與霸奇蘭遣白奇及兵部啟心郎額色黑。伊木布。齎捷音至。言收服編戶壯丁二千四百八十有。三。人口七千三百有二。牲畜馬八百五十六。牛五百四十三。又俘獲婦人子女一百十六。馬二十四。牛十七。犬四十三。貂皮一千一百二十四。及狼皮。捨狸。獾皮。水獺皮。狐皮等。又騷鼠皮裘十二領。騷鼠皮一百六十張。青鼠皮裘三領。青鼠皮一千五百六十張。五月。叙出征諸臣功。以

薩木什喀征黑龍江。盡克其地。所獲人民。全編
氓戶。攜之以歸。尋以出師有功。由三等甲喇章
京世職。加為三等梅勒章京。又加世襲二次。共
襲十二次。丙辰。與霸奇蘭獻俘。獲人口一百一
十六名。馬二十四匹。牛十七頭。貂皮。狨狸。獾水
獺。青鼠。黃鼠等皮三千一百五十張。皮裘十五
領。

太宗以出征大臣勞苦。分賜右翼五固山兵主霸奇蘭。
左翼五固山兵主薩木什喀。以下章京四十四
員。各賞賜有差。其薩木什喀。霸奇蘭。招降七千
三百人。俱

賜房屋田地衣食器皿等物。薩木什喀。遷白奇超。哈固

山額真。崇德三年三月。隨武英郡王阿濟格。助

攻皮島。四月初八日夜。武英郡王遣八旗甲喇

章京率擺牙喇兵進攻。以薩木什喀督之前進。

續遣白奇超。哈乘小船繼之。又遣阿禮哈超。哈

四邊城。章京全軍。及烏真超。哈三順王兵。朝鮮

兵。乘艦而進。以兵部承政車爾格。統領進攻。薩

木什喀統前鋒擺牙喇十船渡江。首先抵岸。遣人語鰲拜。準塔駐兵以待。既我師齊列。挨牌敵于堡上。列陣拒戰。薩木什喀奮勇力攻。克之。取其島。七月叙功。由三等梅勒章京世職。優加為二等昂邦章京。世襲罔替。是月陞任工部承政。十一月奉

命。同曹海徃征索倫部落黑龍江。五年三月遣党習郭查等齎奏至。言臣等前奏獲二千二百五十四人。後自額蘇里屯以西。額爾庫屯以東。又獲九

百人。共獲男子三千一百五十四人。婦女二千七百一十三口。幼小一千八十九口。共六千九百五十六名口。馬四百二十四匹。牛七百四頭。又先獲貂皮一千八百一十張。狐皮三十四張。狼皮十張。水獺皮九張。貂裘一領。捨狸獾裘一領。狐裘七領。貂皮二千二十八張。捨狸獾皮八張。青鼠皮一千六百四十二張。旋緣事革退世職。崇德七年。從大兵征明。攻錦州。敵兵來犯我寨柵。鋒勢甚銳。薩木什喀力戰。三敗其衆。錦州

既克。叙功。復授牛录章京世職。

羅什。薩木什喀之子也。任王府長史。天聰七年。從征大同。遇敵兵四百餘人。擊敗之。射死七人。得馬七匹。九年。征明。率兵四十人前行。敗祖總兵。兵一千餘人。又同胡洒率左翼兵前進。擊敗敵兵。崇德元年。從征朝鮮。朝鮮王京城兵迎戰。羅什奮勇前進。殺敵副將一員。進兵圍南漢城。以步戰破敵。又奉差從朝鮮回盛京。有自塔山來明兵三百人。截戰。羅什同蘓爾得等敗之。又敵兵三千餘衆。降而復變。仍擊敗之。三年。隨睿親王多爾袞。征明。遇明馮太監領兵來戰。羅什隨蘇拜。前擊敗之。五年。圍錦州。攻杏山。明錦州兵與我左翼兵相戰。羅什協力擊敗敵兵。又同八章京率每牛录護軍一名。敗錦州兵。復敗松山敵衆。明軍門洪承疇率兵來援。隨大兵敗之。殺三十餘人。得馬十六匹。敵兵自城內衝出。亦擊敗之。仍追殺四百餘人。獲馬二百餘匹。是夜。明馬兵從松山突出來戰。羅什隨大兵追至海。

沿擊殲之。又敗杏山敵兵。追至塔山。殺步兵一千餘人。英親王阿濟格屯兵杏山河。有明寧遠兵千餘。來哨探我營。羅什同前鋒八章京追殺之。敵兵來驅我馬羣。羅什追奪。斬敵甚衆。仍生擒其哨探而回。八年。征明。至鎮寧口。同胡里布率四十人前進遇敵。時噶喇昂邦努三蘇拜隨後策應。大敗敵兵。順治元年。隨睿王多爾袞在山海關破流賊。敗唐總兵。又追流賊至安肅慶都等縣。大敗之。俱在事有功。優授爲二等甲喇。

章京世職。順治七年。遇

恩詔。加至三等阿思哈尼哈番。

雅賴。達爾漢轄第十弟也。早年從征烏喇。即著勞績。以被創賞人三口。畧地朝鮮。與姜總兵戰。又被一創。與他將合賞馬一匹。天命六年。隨大兵征明克遼東。同戴木布楞額禮于達岱塔地方。擊蒙古兵。先登破之。賞馬一匹。牛一頭。又從征察哈爾。率兵登山寨。殺敵。大有俘獲。招降甚衆。天聰二年。征明。攻廣寧。明巡撫袁崇煥兵圍

我擺牙喇兵會城中敵兵亦出。雅賴隨主帥伊爾登力戰。伊爾登壯之。以告于本旗二貝勒。由是知名。三年五月。同羅璧折爾德清善率步兵一千。往畧明新城一帶。遇毛文龍採參船四隻。殺六十人。毀其船。九月癸未。同楊古利額駙阿山楞額禮率馬兵一百。步兵二百。往雅爾古地方。躡緝逃人。遇毛文龍採參者。殺九十六人。生擒千總三員。及其從人十六名以歸。五年。大兵征明大凌河。正白旗士卒有亡於敵陣者。欲取其屍。敵陣堅。衆不能進。雅賴單騎直入。殺三人。曳其屍而還。有敵兵自大凌河城隅而出。雅賴率擺牙喇兵整隊攻入。七年六月。再征明旅順口。雅賴與薩木什喀同舟而進。未及登岸。船內中傷者十七人。死者一人。比及岸。雅賴越薩木什喀而前。先登。殺敗敵兵。又向陸路。馬步兵大呼曰。雅賴先入矣。遂衝入敵隊。比天明。與敵兵戰于城門。我兵有退怯者。雅賴取岳託貝勒部下所收大凌河蒙古之刀手刃之。驅衆擊敗敵

兵雅賴雖係擺牙喇額真原無世職。以是役徹夜督戰。身被一創。與薩木什喀併力破敵有功。始授備禦世職。崇德六年。七年。大兵證明錦州。松山。八年。貝勒阿巴泰。證明北京山東等處。雅賴俱在行間。有功議叙。加半個前程。順治元年。四月。從睿王多爾袞。破流賊。定燕京。二年正月。叙功。加授世職。爲三等梅勒章京。是年。從豫親王多鐸南征。破流賊。及平定河南江南。又加半個前程。七年。九年。遇。

恩詔加至一等阿思哈尼哈番。兼一拖沙喇哈番。康熙

三年。病故。子花色襲。

準塔巴圖魯。達爾漢轄第四子也。天聰八年。因

辦事有能。不違指使。授牛录章京世職。崇德二

年。貝子碩託等。往征明皮島。守將沈總兵堅守

不能克。三年三月。準塔隨武英郡王阿濟格。統

兵往助攻。王集諸將。詢問進攻之策。準塔與鰲

拜向王前約曰。我二人奮勇先登。必能克之。我

等若不得此島。必不復來見王。遂與鰲拜連舟。

渡海先衆而往。舉火爲號。以侍後師。敵兵于堡上列陣拒戰。準塔與鰲拜冒矢石直衝敵衆。遂克取其島。是年議叙。以此島可比大城。由牛录章京世職。超擢爲三等梅勒章京。

賜名巴圖魯。加襲六次。歷陞至固山額真。七年七月。奉命同輔國公博和託吞齊哈扎哈納固山額真葉臣何洛會巴特瑪等。率官軍往代饒餘貝勒阿巴泰等。戍守錦州。尋以代旋師。八年十二月。復奉

命。同固山額真譚泰統領官兵。更番駐防錦州。順治元

年。從睿王多爾袞入山海關。破流賊。追至慶都。大破其衆。又與固山額真譚泰、蠡章京德爾德赫、哈寧阿等率噶布什賢兵。追流賊至真定。大破之。賊焚輜重。倉皇敗走。於是燕京迤北居庸關內外各城及天津、真定等處皆降。二年正月。命多羅饒餘郡王阿巴泰爲總統。準塔以固山額真爲左翼。梅勒章京譚布爲右翼。率官兵往山東。代和碩肅親王豪格。平定郡縣。二月。聞南京僞福王遣兵渡河。圍徐州沛縣李家樓。準塔等領兵

星夜前往。敵人馬步兵二千有餘。屯駐徐州十五里外。我兵衝擊賊營。賊兵赴河死者無算。擒斬渠帥六人。安撫百姓。秋毫無犯。獲人口牛馬甚多。旋奉

命鎮守廬鳳淮揚等處。六月。疏報五月間。臣自徐州水陸並進。適明將偽伯劉澤清。副將高祐。統戰艦攻宿遷。隨分遣官兵進擊。大敗之。師次清河。澤清所部總兵馬化豹。副將張思義等。率兵四萬船千餘隻。據淮黃清三河口。連營十里。臣遣梅

勒章京康喀賚。同遊擊范炳吉。天相等。率兵渡清河。列營相拒。擊敗敵艦。復遣都司楚進功。率步兵六百。拒黃河北岸。鳴礮相應。又分兵兩路。一自清河上游進擊。一攻對岸馬步敵兵。俱敗之。合軍追至淮安界。斬其副將二員。叅將一員。師次清江浦。偽監司范鳴珂。攜勅印來降。澤清同偽總漕田仰。各率兵丁家口。登舟遁。偽總兵栢永馥。率所部及城中官民出迎。遂克淮安。其鳳陽廬州一帶。望風納款。臣隨領兵巡歷各

處安撫居民。委署官吏是役也。共招降監司一員。總兵一員。副將二十三員。參將二十五員。遊擊四十員。都司守備七十三員。獲船五百餘艘。馬九百餘匹。駱駝二十五隻。紅衣礮一百二十位。銀四萬七千兩。捷至下兵部。察議三年四月。叙功由三等梅勒章京世職。加為三等昂邦章京。是年隨定遠大將軍肅親王豪格征四川流寇張獻忠。大破之。陣斬獻忠。準塔復同貝勒尼堪。貝子滿達海。固山額真杜雷。覺羅巴哈納。馬

喇希。燾章京。鰲拜。巴圖魯。墨爾根。轄哈寧阿。車爾布。德爾德赫等。分兵征剿遵義。夔州。茂州。榮昌。隆昌。富順。內江。資陽等處。斬偽王及巡撫道官。總兵副將。參遊都司一千餘員。兵丁無算。獲馬騾一萬二千四百餘。川寇悉平。四年凱旋。卒。五年六月。叙元年以來功績。準塔巴圖魯。共敗敵二十四次。攻取五城。加世職為一等精奇尼哈番。因無子。以其弟阿喇密襲職。順治十二年十月。追謚開國功臣。準塔巴圖魯。謚襄毅。阿喇

密襲兄職遇

恩詔歷加至三等伯。仕至內大臣。次子殷達。仕至副都統。胡什布者。準塔巴圖魯第五弟也。初分襲父世職。得拜他喇布勒哈番。從征大凌河。陣亡。加一拖沙喇哈番。以其子呼禮襲。丹布者。準塔巴圖魯第八弟也。初任侍衛。歷陞至一等。又推伊父達爾漢轄之功。授為拜他喇布勒哈番。遇恩詔加一拖沙喇哈番。康熙十三年。隨征逆藩耿精忠。至江西。遇陳朱二賊帥。率賊兵六千餘。在鄱陽

湖汊口村地方拒敵。丹布率本旗兵擊敗之。由拜他喇布勒哈番。加一拖沙喇哈番。遂授為三等阿達哈哈番。又隨大兵征剿厄魯特噶爾丹。敗賊有功。加世職為二等阿達哈哈番。丹布第四子拉薩禮。任整儀尉。從征福建海寇。戰于廈門。陣亡。卹贈拖沙喇哈番。其第五子達吉。初襲父拜他喇布勒哈番。又一拖沙喇哈番。世職。從征雲南。以功加授為三等阿達哈哈番。康熙三十五年。從征噶爾丹。又以功議叙。加為二等阿

達哈哈番。

康果禮額駙滿洲正白旗人。姓那木都魯氏。世為綏分地方屯長。

太祖高皇帝庚戌年十一月。

特命額亦都巴圖魯率兵千人往東海渥集部之那木都魯綏分寧古塔尼馬察四路招其路長。康果禮與烏祿喀明噶圖巴顏三人首先來歸。

太祖嘉其慕義。賜金銀錦緞等物。康果禮因

奏請將伊弟喀克都里。哈哈納。綽和諾。依勒占。蘓

爾休等五人為首領。壯丁千餘人。將所居通肯。哈達。渾。稽。河等處田宅。盡行棄去。率其民人奴僕。盡來歸附。

太祖大喜。遣大臣往迎。每日止宿處。俱設宴勞之。至之

日。

聖駕親往迎勞。旋以弟青巴圖魯貝勒女。妻康果禮。授為額駙。又

特諭大臣。言納木都魯比各國號為強盛。着將其人另編六牛錄。設捕獵者六人。康果禮與其弟喀克都里。

並授三等總兵官世職。哈哈納。授副將世職。綽和諾。授遊擊世職。伊勒占。蘇爾休。授守備世職。天命三年。四月。康果禮從大兵征明。取撫順。五月。取撫安等十一堡。進鴉鷂關。破清河城。並在事有功。六年。從大兵征明。攻遼東瀋陽。康果禮設雲梯先登。遂克其城。十一年八月。

太宗文皇帝嗣位。設十六大臣。分理八旗政事。康果禮居其一。尋授纛章京。緣事罷免。天聰五年卒。子六人。次子麥色。以擺牙喇章京從征塔山。陣亡。

第四子賴塔。最知名。仕至都統。征南大將軍。自有傳。杭齊者。麥色之子也。順治十一年。挑選爲三等侍衛。十五年。陞二等侍衛。康熙七年。陞護軍叅領。十三年。從征逆藩吳三桂。由陝西進兵。途中委署護軍統領。十六年。陞副都統。十七年。隨安遠靖寇大將軍貝勒尚善。敗賊于洞庭湖。論功。授拖沙喇哈番。十九年。陞護軍統領。二十五年。病故。子西圖庫襲。

喀克都里康果禮額駙之弟。

國初同其兄康果禮等率衆來歸。即授三等總兵官世職。天聰元年。從征朝鮮。先登陷陣。朝鮮人畏服受盟。旋任正白旗固山額真。三年。

太宗文皇帝親統大兵征明。十一月壬午朔。集諸貝勒羣臣定議。於初三日攻遵化城。以喀克都里率本旗攻東面之北。士卒奮勇先登。是日克遵化。旋叙功。

太宗以喀克都里造梯堅固。且親督本旗兵先登。特召至御前。親酌以金卮。加授世職。爲二等總兵官。賞

駝一。蟒緞一。素緞九。五年五月。

太宗發馬兵一千五百。步兵四千五百。以總兵官楞額禮爲右翼主帥。喀克都里爲左翼主帥。徃征南海島。

特諭之曰。爾等所率之兵。總計雖多。然固山每甲喇各有主將管轄。以固山甲喇牛录分轄之。則少。當加意統理。勿得懈怠。我與朝鮮爲交好之國。秋毫不可有犯。勿縱劫掠。至于招降島中漢人。爾等勿與其事。可令副將石國柱。高鴻中。遊擊佟三。李思忠等。徃招。如

不降。則向朝鮮索舟攻取。倘朝鮮不與船。可令阿朱
戶馬福塔往諭之。六月戊辰。出南島遣人奏言。我西
路兵因朝鮮不與船隻。於二十六日起行而還。
擒獲明人訊之。言黃總兵率兵五千。於五月五
日。自內地來島中。又察哈爾率兩紅旗監守所
得小船。明兵來犯。穆世屯。及二卒陣亡。我兵奮
勇逆擊敗之。復得其小船三隻。岸上明兵。不能
登舟。溺死者半。七月。與楞額禮率師還。以俘獲
人畜。細緞財物。盡賞陣亡。被傷將士。有差。喀克

都里。勇敢善戰。

賜號噶思哈。言疾如飛鳥也。天聰初年。即與兄康果禮

並在十六大臣之列。歷任至固山額真。嘗以功

賜漢人一千為其屬下。六年病卒。緣事追革職銜。孫蘊

滿。仕至都統。昂武者。康果禮額駙之弟。喀克都
里之兄也。初同兄弟率丁壯來歸時。值

太祖高皇帝始編牛錄。即以其來歸丁壯。分編六牛錄。

令昂武管其一。又授為甲喇章京。因人材壯健。

置於十六章京之列。天命四年。隨大兵征葉赫。

首先破敵。遂取葉赫城。以功授叅將。世職。病故。以其子馬克圖承襲。馬克圖初襲父職時。其對
太祖高皇帝召見。嘉其人材壯健。因將宗室公達爾察
之女格格賜與為婚。至年十八歲。

太宗文皇帝授擺牙喇甲喇章京。崇德元年隨征朝鮮。
進攻平壤。乘船隨鰲拜。奉船隻登岸。跳入平
壤。以功再加一牛录章京。併原襲世職為三等
甲喇章京。同諸王貝勒等朝見。
太宗特諭似此効死力之人。宜加優恤。如貧乏務使富

足。因賞玲瓏鞍馬。奴僕銀兩。緞疋衣服等物。尋以委
署。曩章京從征。率兵連取二城。以疾卒于軍中。
以其子馬哈達襲職。馬哈達子海壽。歷官戶部
尚書。

賴塔。康果禮額駙第四子也。順治元年十一月。
任本固山擺牙喇甲喇章京。十三年三月。陞本
固山曩章京。康熙八年六月。陞本旗蒙古都統。
二十六年十二月。吳三桂反於雲南。十三年三月。
耿精忠亦據福建反。四月辛亥。

聖祖仁皇帝諭議政王大臣等。將副都統馬哈達、胡圖部下兵，及將軍華善所分遣兵，以都統賴塔為平南將軍統之。赴杭州勦禦。馬哈達、胡圖並同叅贊。其杭州駐防官兵，仍聽將軍圖喇統轄。一切勦守事宜。賴塔圖喇商酌以行。時平南王尚可喜疏請發兵。五月。聖祖特諭將軍賴塔既抵杭州，可與將軍圖喇總督李之芳、提督塞白理會商。平陽、衢州等處緩急機宜，猶恐勢分力薄，其以駐劄江寧將軍阿密達所轄包衣佐領官兵，令副都統喇哈達領赴浙江聽賴塔調度。

時杭州將軍圖喇病免，以喇哈達代之。六月。聖祖諭喇哈達及賴塔曰：爾等皆國家股肱大臣，委任封疆重務，凡事宜商確者，移會關通，協心謀畫，以副朕委任之意。勿各執己見，致有貽悞。務念國事為重用，茂厥績，尋以康親王傑書為奉命大將軍，同貝子富喇他往浙江督師。將軍賴塔、副都統喇哈達、達紀爾塔布仍叅贊軍務。七月，耿逆賊兵犯金華府。賴塔遣副都統馬哈達、雅塔理等督官兵擊敗賊衆。八月，耿逆賊兵復犯金華。遣副都統喇

哈達等率領官兵往勦。自七月十三日至十八日。九次合戰。擒斬賊衆甚多。恢復諸暨義烏等縣。八月。同浙江總督李之芳。遣援勦總兵官李榮。領官兵至金華。進勦陣斬一千餘人。生擒一百五十餘人。焚其木城。副將鮑虎。砍賊五營。乘知勝恢復淳安縣。捷聞。並奉詔。嘉獎。下部議叙。十月。偽都督周烈。偽總兵桑明等。率遣副都統喇哈達。胡圖等。統滿漢官兵。擊敗賊衆於焦園等處地方。斬賊萬餘。十二月。偽總兵桑明等。復領賊五萬餘犯衢州。賴塔遣滿漢官兵。於十一月二十四日。連擊敗之。殺賊萬餘人。捷聞。並下部議叙。十四年三月。復遣副都統喇哈達。胡圖。總兵官王廷梅等。擊敗耿逆偽將軍馬九玉等賊衆於衢州。斬級萬餘。擒偽都司等。五月。耿逆賊兵屯扎前嶺。各路賊衆。互相應援。賴塔同總督李之芳。分遣正白旗叅領巴雅思呼朗。叅將趙德壽。領兵前至南塘。萬青嶺等處。

分路衝殺擒斬偽都司千總等。八月，耿逆偽將軍馬九玉遣偽副將李廷魁率兵數千屯扎衢州府北元口山上，截我餉道。賴塔分布滿漢官兵攻賊木城內四營，圍其三面，乘夜攻擊。至天明衝入，賊不能當，遂敗走。官兵追剿，斬獲甚多。焚其木城。又有逆賊盤踞衢州河西一帶，於十四日舉火突犯駐防官兵營汛。八旗兵弁奮勇擊賊，自朶口追剿二里許而還。捷聞，下部議叙。十五年八月，耿逆偽將軍馬九玉等領賊衆數

萬人據守衢州河西。賊將林福等扎營大溪灘，輓運糧餉。奉命大將軍康親王傑書催促進兵，遂抵衢州。賴塔與總督等議先斷賊餉道以奪其勢。於是月十五日，賴塔親率滿漢兵宵抵大溪灘，奮擊大敗之。乘勝進取江山縣。馬九玉大懼，棄營遁。賴塔率副都統馬哈達等，于二十日進至仙霞關，分路夾攻。次日，偽叅將金應虎等獻關迎降。官軍長驅而進。二十三日，攻拔浦城縣。時逆賊猶屯扎建陽。賴塔同吉爾塔布等於

九月初三日領兵進剿。擊敗賊衆。克建陽縣城。復進兵建寧府。賊遁。恢復府城。獲偽劄軍械無算。十月。隨康親王傑書大兵抵福州。耿精忠降。捷聞。得

旨嘉獎。下部議叙。十六年正月。同寧海將軍喇哈達等。率領大兵。進剿興化。連破二十六營。陣斬偽總督趙得勝。偽總兵副將等六十二員。恢復興化府城。偽總兵郭維藩。以仙遊縣來降。三月。康親王傑書。選將士有馬者。令賴塔與喇哈達率之。

諭康親王傑書。據筆帖式塔穆哈圖報潮州劉進忠。已

於本月初六日投誠。今劉進忠復遺書吳三桂。平南王尚之信舉發。是劉進忠投誠本非真心。不過是勢窮就撫。且又總兵官劉炎所遺吳三桂書。亦皆搜獲。其心迹與劉進忠畧同。此等皆心懷反側。久留潮州。必致生變。若果已投誠。康親王等即託言欲與相見。以計撤回。留駐福州。設或遲疑未至。速行奏聞。劉進忠等既撤。則令將軍喇哈達。以兵之半守漳泉。都統

賴塔率其半守潮州。仍令尚之信。遣原任潮州總兵官王國棟。盡率其標兵詣賴塔處協守。九月。康親王傑書。疏言漳泉諸處平定。臣等隨授賴塔平南將軍印。暫守潮州。十七年十月。海賊劉國軒犯泉州。賴塔率領滿漢官兵。敗之於柯鑑山。萬松關。十八年正月。劉國軒等復率賊兵八千。至郭塘。歐溪頭地方立營。欲斷江東橋。以犯長泰。賴塔與總督姚啟聖。提督楊捷等。統領滿漢官兵。直逼賊營。令副都統紀爾他布。巡撫吳興祚等。

領兵擊之。大敗逆賊劉國軒。吳淑。何祐。追至江邊。斬首二千餘級。生擒偽總兵一名。偽副將二名。獲器械無算。三月。同昭武將軍福建提督楊捷等。至下抗山等處。擊敗海賊。多所斬獲。五月。劉國軒等復侵犯江東橋。賴塔統領官兵迎擊。賊敗走太平寨。率我兵進追。殺賊千餘人。先是總督姚啟聖。疏言平南將軍賴塔。以鎮潮州。兵民俱已心服。今在漳州。宜令兼轄潮州。

上允之。八月。賴塔疏言。臣身在漳州。與賊對壘。且滿洲

上。大兵。係大將軍康親王統轄。潮州地處遙遠。實難兼轄。

上諭成命已頒。仍令將軍賴塔兼轄潮州。如須用滿洲大兵。許一面酌量遣調。一面申報。大將軍康親王十年二月。賴塔以水師提督萬正色孤軍進勦海寇。遂會同總督姚啟聖等分統水陸官兵七路。並將弁奮勇攻破陳洲馬洲灣腰山觀音山展旗等寨。二十九處。殺賊甚衆。五月復會同提督侯襲爵率領官兵大敗海寇於潮州府之大

濠堡磊石等處。又遣官兵追剿劉國軒等。克取銅山。焚毀賊巢。九月乙丑。

聖祖特諭議政大臣等。頃因逆賊侵逼四川。滿漢大兵已諸路進剿。大將軍貝子章泰將軍總督蔡毓榮等。於是月十二日。以次進定貴州。今廣西一路。亟宜速入。以定雲南。將軍賴塔在福建廣東勞績素著。可授為大將軍。赴廣西調遣。廣西滿漢大兵內。精銳有馬者。或五百人。或千人。親率之。赴南寧廣西。所有一應大兵。俱聽簡擇率往。副都統博濟統餘兵。暫守廣東。

賴塔勅卯。可速往送。其原在平南藩下官兵。如可帶往。聽賴塔酌量率之前行。尋議覆授賴塔為征南大將軍。是歲冬。賴塔直趨廣西。率領大兵由泗城進兵。抵西隆州。吳逆偽將軍何繼祖等。擁眾萬餘。距安籠所三十里。堅據石門坎隘口拒敵。其地高出雲表。羊腸石徑。賴塔先令都統勒貝希佛。馬緝護軍統領額赫訥等。以二十年正月初一日。率前隊官兵仰攻。自與副都統洪世祿。赫勒布。總督金光祖。分兵二隊以繼其後。是日元旦。賊眾防守稍懈。遂大敗賊眾。斬殺甚多。奪石門坎隘口。恢復安籠所城。偽總兵陳義魁率眾迎降。捷聞得。

旨嘉獎。下部議叙。賊將何繼祖等。自石門坎敗遁。至新城所。會偽將軍詹養等率眾二萬人。據黃草壩。驅象迎敵。賴塔於二月初二日。分布滿漢官兵進戰。自卯至未。賊眾大敗。奪其營二十二。生擒偽將軍詹養。王有功及賊眾千餘人。獲象馬無

音 歸 歡 笑 捷 聞 奉 入 雲 南 副 都 統 大 興 進 剿 關 武 官

旨。賴塔自閩廣深入雲南。獨先諸路。大敗逆賊。調度有方。將士奮勇。殊屬可嘉。有功人員。俱從優議。叙。賴塔復統大兵。自黃草壩抵曲靖府。偽總兵尹士元。偽道員劉世忠。率偽官投誠。即於是日遣兵進取交水城。斷賊中路。偽將軍線絨等皆遁走。十五日。分遣都統希佛馬緝等。自曲靖府起行。恢復馬龍州。易龍所。十六日。復楊林城。聞賊於渾水塘。嵩明州等處立營。乃遣夸蘭。大石塔等。先剿嵩明州賊。奪門入城。賊遁走。追殺甚衆。生擒

偽遊擊一人。守備二人。賊兵百餘人。是夜渾水營屯賊亦遁。三月。與定遠平寇大將軍固山貝子章泰。綏遠將軍湖廣總督蔡毓榮等。大兵會合。分隊前進。先後至雲南省城東北四十里。營于歸化寺傍。二月二十一日。逆賊吳世璠。遣偽將軍胡國柄等。率馬步兵萬餘人。出城列象陣拒戰。賴塔等率滿漢兵分隊進擊。自卯至酉。大敗賊衆。追至城門。陣斬偽將軍胡國柄。劉啟隆。及偽總兵九員。生擒六百餘人。獲甲仗旗幟馬

匹無筭。八月賴塔疏言進剿滇南時。曾留部兵每佐領三人。駐扎廣西南寧府。今雲南南寧相距甚遠。難以遙制。乞撤此兵還京師。得

旨。雲南省城尚未恢復。南寧之兵。不便撤。雲南南寧相距甚遠。難以遙制。此兵可令大將軍簡親王喇布兼轄。十月初八日。賴塔等統領滿漢官兵。進薄雲南省城下。并力環攻。賊勢惶迫無措。二十八日。逆孽吳世璠自殺。二十九日。逆黨線絨等率眾出城降。遂擒首謀獻計之偽大學士方光琛等。至軍

前磔之。戮吳世璠屍。傳首京師。偽官弁一千五百八十餘員。兵五千一百三十餘名。俱投誠雲南平。得

旨。覽貝子等奏。統領滿漢官兵。遵奉成命。恢復雲南省城。疆宇蕩平。具見籌畫周詳。調度有方。剿撫並用。克奏膚功。朕心深為嘉悅。着從優議叙。時偽將軍夏國相等。敗遁廣南。賴塔與貝子章泰。檄令土僕朋及臨安總兵官李國標。率師追剿。夏國相降。又遣都統希佛。追剿逆賊胡國柱等。至雲龍州之

青里屋國柱自縊。僞帥王叙、李匡皆自焚死。僞將軍王公良等率餘衆來降。二十一年十月甲申，賴塔與定遠平寇大將軍貝子章泰自雲南凱旋至京。

聖祖特率在京諸王貝子公等、內大臣侍衛八旗都統精奇尼哈番、阿思哈尼哈番、及滿漢大學士尚書侍郎學士等官郊勞。越蘆溝橋駐蹕。乙酉，復迎至二十里外，列燧鳴號拜。

天行禮。二十二年十月庚申，吏部等衙門以尚之信名

下，應入官婦女，爲都統賴塔帶回，請取口供。

上曰：賴塔自福建直抵廣東雲南，係効力勤勞，樹立大功之人，帶回婦女，事甚細微，無大關係。因此遂與衆犯一同取供，覺有未當，如事有牽連，應取口供。爾等親詢，勿因取口供以無禮加之，致失朕眷顧功臣之意。賴塔既歸，仍任正白旗滿洲都統。二十三年十二

聖祖二十二年卒。其後其子孫皆自焚死。其子孫皆自焚死。

賜祭葬如典禮。又加祭二次。謚曰襄毅。雍正五年十月

世宗二十三日。欽奉。

世宗憲皇帝諭。正白旗原任都統賴塔。當三逆變亂時。伊統兵征剿。克復雲南。功績茂著。朕恭閱實錄。聖祖仁皇帝實錄。備悉其詳。因伊身有過犯。其功過適足相抵。是以未封公爵。給與阿思哈尼哈番。在國法實為允當。且當日之不優封賴塔者。欲使立功之人。咸知儆惕收斂。不可恃功驕肆妄為。今事歷多年。後人已知鑒戒奉法。着將賴塔追封為一等公。令伊孫撥爾吞承襲。

瓦爾喀朱瑪喇。康果禮額駙之族人也。先是居

太宗文皇帝持豹尾槍。扈衛禁中。天聰八年五月。以其辦事有能。不違指使。授牛录章京世職。時葉赫亦有同名者。

太宗特賜名瓦爾喀朱瑪喇以別之。又

賜銀五百兩。奴僕十人。尋奉

命率噶布什賢十人。送巴爾圖奇額駙回原籍。半途遇

叛逃蒙古。率伊妻子奔走。朱瑪喇追之。拿獲帶

撒袋男子十七人。共家口四十三人。

太宗大喜。賞金玦一枚。銀盤四面。女子二名。所俘獲四十三人中。有名五十布者。一家共九口。仍賞給。爲奴。崇德三年七月。從征額倫克色生庫勒額。黑庫倫地方。於軍功俘獲人數外。多獲二十九人。論功加半個前程。是年從貝勒岳託征明。過北京。監雲梯攻故城縣。同伊里布乘夜潛克之。遇明侯總兵來援。徒步殺入敵陣。右腿得重傷。二處。遇明太監高起潛兵。帶傷進戰。仍擊敗之。左脇又得重傷一處。旋送肅親王豪格出邊。遇

明邊城兵來犯。同阿薩里步戰敗之。又遇明太平寨兵。同西圖從和碩達爾漢額駙兵。徒步先衝敵陣。持斧砍毀鹿角。推倒挨牌。手被砍傷。不退。遂破敵兵。四年。從曹海沙慕什哈征撒哈連。吳喇獨俘獲二十九人。遂同和陀由雅克薩城邊放火處衝殺前進。撒哈連烏喇人叛奔博果爾。復合兵來戰。朱瑪喇同曹海伏兵擊敗之。五年六月。叙功加授世職。爲三等甲喇章京。七年。賜鞍馬一匹。大莊屯一所。屯中家口共四十三人。

從天兵圍明錦州。明松山馬兵來奪我紅衣礮。即率本甲喇兵奮擊敗之。其左翼未敗。餘兵復來圍繞我師。即同雅爾納擊敗之。被紅衣礮子中領氣絕。

太宗震悼。賜宋錦御褥蟒被各一。以為殮具。至第三日復甦。奏聞。

太宗甚喜。令如意調養。傷愈。即奉命監造盛京塔工。塔成。迅速。賞貂裘捨狽各一。馬一。

匹。銀三百兩。旋往防守哈達山寨。有敵兵來犯。

竟夜拒戰。斬殺四十九人。獲甲三十九副。雲梯

九架。挨牌七面。身被三傷。八月。叙功。加授世職

為二等甲喇章京。任吏部理事官。八年十二月

以考滿辦事有能。加授世職。為一等甲喇章京。

順治元年。從睿王多爾袞入山海關。擊流賊馬

步兵。大敗之。聞馬山口有土賊。即往剿。見我兵

駐立之處。有土賊來犯。即同覺羅郎邱。阿爾布

尼。擊敗之。二年二月。叙功。由一等甲喇章京加

半個前程。十二月隨定西大將軍何洛會進剿四川流寇。八大王張獻忠賊兵第一隊來拒。朱瑪喇首先奮擊敗之。何洛會即于軍前委朱瑪喇署理梅勒章京。同尚書覺羅巴哈納一路進剿。旋偕護軍統領阿爾津蘇丹等合兵大破賊衆。聞流寇高寨之衆屯扎禮縣之南。即同尚書興鼐等擊走之。三年。

朝廷復以肅親王豪格為靖遠大將軍來征四川。朱瑪喇仍隨師進剿。十二月官兵破賊於西充陣。

斬張獻忠。狗下各郡縣。四年凱旋。時何洛會方附會睿王多爾袞。構陷肅親王。朱瑪喇以不能依附。所有軍功俱不許議叙止。

賜銀七百五十兩。馬一百匹。莊地一所。共四十頃。又賞黑爾根蒙古十人。六年隨英親王阿濟格征大同叛鎮姜瓖。至左衛見城內賊兵沿壕而來。朱瑪喇迎擊敗之。又隨敬謹親王尼堪往太原。敗姜瓖。寧武。閔賊兵。賊於山岡後設火礮相拒。即率甲喇章京吳庫禮等破其衆。七年九年三遇。

恩詔。屢進爲一等阿思哈尼哈番。是年實授梅勒章京。十年三月卒於官。年五十三歲。以其弟伊瑪喇襲所得世職。伊瑪喇早從征伐。屢立戰功。順治三年。已任噶布什賢轄。與兄朱瑪喇並從靖遠大將軍肅親王豪格。往定四川。任前軍護衛。賊黨趙雲桂圍保寧。伊瑪喇與賊戰。注矢射雲桂目。應弦倒。乘勝追擊。保寧圍解。四川平。我兵凱旋。至十年。乃襲兄朱瑪喇一等阿思哈尼哈番。康熙十三年。逆藩吳三桂據雲南反。四川爲賊

所陷。陝西提督王輔臣亦殺經畧莫洛。叛。應之。十四年。伊瑪喇以叅領充夸蘭大。隨揚威將軍阿密達。往征至寧州城外。賊僞總兵吳二。袁四。率賊兵千餘人拒敵。伊瑪喇率綠旗官兵擊敗之。復隨平西大將軍貝勒董額。往攻平涼。距其城八里。王輔臣子僞總兵王繼正。率賊萬餘人來拒。伊瑪喇隨大將軍力戰。從巳時至未時。擊敗其衆。十五年五月。隨撫遠大將軍圖海。攻平涼。奪城北護山墩。又敗僞總兵王繼正等。十八

年六月。隨撫遠大將軍公圖海。至益門鎮之西。南山高處。擊偽將軍陳君極。敗之。因以一末等功牌。未及議叙。二十七年十月。告休。三十四年五月。病卒。長子能泰。襲佐領。次子滿色。襲一等阿思哈尼哈番。伊瑪喇與兄朱瑪喇。並以平定四川功德在人。崇祀四川名宦祠。六十一年十一月。

恩詔。凡効力行間將士。若有少一二功牌。未得官者。着該部查明具奏。兵部查議。將伊瑪喇以一末等功牌。

未得官情由具奏奉

旨。伊瑪喇係血戰有功之人。殊可矜憫。特賜拖沙喇哈番。仍與長子能泰承襲。能泰仕至都察院左都御史。次子滿色。仕至副都統。





